


清代名醫醫案大全

(二)

陸淵雷 校閱



Y.2

正文書局印行

清代名醫醫案大全

陸淵雷校閱

(二)

王旭高先生

王泰林。字旭高。世爲無錫人。嘉道間有以瘍醫馳名江浙者。曰高錦亭先生。著有外科心得集。景岳方歌括。行世。即旭高先生之舅氏也。高先生沒後。先生傳其業。其始先以瘍醫行。逮復求治者日益多。復內科。無不應手奏效。於是遂專以內科行。門下士習業者。每年以十數計。先生讀書。上自軒岐。下迄國朝諸家。無不精心貫串。於古書則研求故訓。於後人書。則必分別疑似。凡疑難證。求治於先生者。先生必沉思激慮。疏方與之。厥后或效或否。或有無力再往者。先生必訪悉之。令其再診。以竟厥功。故其所存方案。無不尤整。切。無模糊影響之說。所著有西溪書屋夜話。錄醫方歌括串解及環溪草堂醫案諸書。均未梓行。柳寶詒集先生之醫案而整理之。閱一年而竣事。

先生博極群書。所用諸法。如治小兒咳嗽之藥。從葛可久之白鳳丹化出。治上熱下寒之八味丸。用紫雪爲衣。從喻西昌外廓之論悟出。若此之类。不勝枚舉。是皆因古法而变化出之。胸無古書者。讀之雖難領會。柳氏於此等處。均爲一一指出。學者苟能即是而得。讀書用古之法焉。則庶乎不負先生之苦心也。

清代名醫醫案大全
第二冊
次目

尤	吳	曹	張	王	趙	張
在	鞠	仁	千	旭	海	仲
涇	通	伯	里	高	仙	華
醫	醫	醫	醫	醫	醫	醫
案	案	案	案	案	案	案

錄目案醫高旭王

內傷	一	嘔噦	三	痧疫	六
中風	六	溼溫	五	腳氣	六
痿痺	七	暑病	四	遺精	五
內風	二〇	瘧疾	四	小便	五
神志	三	黃痺	四	痢疾	六
痰飲	四	腕腹痛	五	便血	六
欬喘	九	疝氣	三	蟲病	七
失血	三	癰癤	三	外瘍	七
虛損	六	腫脹	六	婦科	六
消渴	三	頭痛	六	兒科	六

王旭高醫案

武進徐衡之編纂
嘉定姚若琴

江陰柳寶詒穀孫評註
蕭山謝蘭種圈点

內傷

病將一載。肝氣橫逆而不平。中氣久虛而不振。惟肝逆。故胸脘阻塞而攻衝。惟中虛。故營衛不和而寒熱。凡大便溏。飲食少。右脈細。左脈弦。是其證也。四君子合逍遙加左金。是其治也。

黨參 冬朮 陳皮 茯苓 歸身 神麴 白芍 柴胡 香附 川連 桑葉 炒穀芽 玫瑰花
詒按。案語爽朗。方亦的當。擬再加沉香鬱金。

三焦相火。挾肝陽而上升。每日侵晨。則氣自臍左而上衝。心胸痞塞。自覺胸中熱。舌尖辣。面色紅。過午則氣漸下降。至夜則安。而火降。則下或遺泄。此皆無形之火爲患也。推其原始。由乎陰虛。今則相火妄行。蒸鍊胃液成痰。

所以吐痰黏膩灰黑。而咽噎胃管之間。常覺不流利也。法當清相火。導虛陽。而下歸窟宅。更佐以化痰鎮逆。病來已久。難期速效。

黃柏 桂心 砂仁 蛤殼 甘草 知母 川連 茯苓 元精石

詒按。此方取交濟封髓之法。用意極爲精到。惟病因肝腎不攝。虛陽浮逆。擬再加牡蠣龜板以攝下。旋覆竹茹以清上。似於病情更爲周匝。

凡藏邪惟虛則受之。而實則不受。惟實者能傳。而虛則不傳。仲景云。肝病實脾。治肝邪之盛也。內經云。肝病緩中。治肝體之虛也。此證肝氣有餘。肝血不足。法宜兩顧爲得。

歸身 白芍 沙苑 杞子 冬朮 茯神 青皮 陳皮 香附 金鈴子 砂仁

詒按。議論確鑿。非胸中有古書者不能道。方亦精到。方中歸芍杞苑。所以養肝血。青陳香鈴。所以疏肝氣。藥品看似平常。用意恰已周到。

夜涼晝熱。熱在上午。此東垣所謂勞倦傷脾之證也。上午熱屬氣虛。用

補中益氣湯。補氣升陽。

補中益氣湯 加神麴 茯苓

治按、論證立方。如開門見山。心目俱朗。

泄爲脾病。嘔爲胃病。脾胃屬上。居中而司升降。脾宜升。不升則泄。胃宜降。不降則嘔。土衰則木橫。木橫而土益衰。高年當此。頗慮土敗木賊。古人治肝。當先實脾。况茲土弱。尤當先補其中。稍佐平肝可也。

理中湯 加茯苓 橘餅

治按、案語理明詞達。方法切實不浮。但既有嘔惡見證。則半夏似不可少。擬再加木瓜白芍砂仁。

有時驚悸。有時肌肉頑木。或一日溏泄數次。或數日一大便而堅乾。惟小便常紅。此心氣鬱結。脾氣失運。失運則生溼。鬱結則聚火。火則傷津。溼則阻氣。而氣機不利矣。擬荆公妙香散加味。以補益心脾。

山藥 洋參 黃耆 茯神 赤苓 桔梗 炙草 遠志 麝香 硃砂 木香 川連 麥冬

詒按、專主心脾立論。思路精確。

血不養心。則心悸少寐。胃有寒飲。則嘔吐清水。虛火燄金。則咽痛。肝木乘中。則腹脹。此時調劑。最難熨貼。蓋補養心血之藥。多嫌其滯。清降虛火之藥。又恐其滋。欲除胃寒。慮其溫燥劫液。欲平肝木。恐其克伐耗氣。今仿胡洽居士法。專治其胃。以胃爲氣血之鄉。土爲萬物之母。一舉而三善備焉。請試服之。

黨參 冬朮 茯苓 半夏 桑仁 扁豆 陳皮 山藥 秫米

詒按、於無可措手中。尋出養胃一法。自屬扼要之圖。擬再加木瓜白芍以和肝。竹茹麥冬以清肺。似更周匝。

腎氣虛逆。非滋不納。脾弱運遲。滋則呆滯。然則如何而可。曰補腎之陽。即可以轉運脾氣。從仲景腎氣丸化裁。

熟地附子三 五味子 茯苓 山藥 肉桂心 麥冬元米 牛膝鹽水 山萸肉 陳皮

紫石英 補骨脂 鹽水炒 胡桃肉

治按補腎即可以補脾。益火以生土也。用腎氣丸恰合。

久病之軀。去冬常患火升。交春木旺。肝膽陽升無制。倏忽寒熱。頭面紅腫。延及四肢。焮熱癢痛。殆即所謂游火游風之類歟。匝月以來。腫勢已減。四五日前。偶然偶體傷風。遂增欬嗽音啞。痰多口乾。舌白。續發寒熱。胃氣從此不醒。元氣愈覺難支。風火交煽。痰濁復甚。陰津消涸。陽不潛藏。此時清火養陰。計非不善。抑恐滋則礙脾。化痰扶正。勢所必需。又恐燥則傷液。立法但取其輕靈。用藥先求其無過。

北沙參 知母 鮮生地 蛤殼 海浮石 蟬衣 豆卷 青果 海螵 地栗 百合 珠粉

原註。右方金匱百合知母地黃湯。合本事神效雪羹。取其清火化痰。不傷脾胃。生津養液。不礙痰溼。酌

古參今。歸於平正。

治按。議病用藥。均歸精細。躁心人不能領取也。

中 風

兩手關脈皆見一粒厥厥動搖之象。此土虛木勝。內風動躍之候也。左半肢體麻木不仁。頭眩面麻。病屬偏枯。慮延仆中。

首烏 當歸 白芍 茯苓 陳皮 秦艽 菊花 天麻 石決明 鉤鈎 刺蒺藜 桑枝

再診。動搖之脈大減。內風有暗熄之機。左手屈伸稍安。左足麻木未和。擬補腎生肝。爲治本之計。

地黃飲子、地、山黃、斛、菴、蓮、桂、附、麥、冬、夏、五味、菴、蒲、道、志、茯、苓、巴、戟、肉、桂、附

詒按、未雨綢繆。故易於奏效。兩方用藥。亦能與病機宛轉相赴。

體肥多溼。性躁多火。十年前小產血崩。血去則陰虧而火亢。肝風暗動。筋絡失養。已非一日。去秋伏暑後變三瘧。瘧久營衛偏虛。遂致風痰擾絡。右半肢體麻痺。而爲偏廢之象。調理漸愈。今但右足麻辣熱痛。痛自足大指而起。顯係肝經血虛失養。據云腿膝常冷。足脗常熱。此非足脗有火。而腿膝有

寒也。想由溼火乘虛下注。故痛處覺熱。而腿膝氣血不足。則覺寒耳。至於左脛外廉皮肉之內。結核如棉子。發作則痛甚。此屬筋箭。是風痰瘀血。交凝入絡而成。與右足之熱痛麻辣不同。今且先治其右足。

生地 阿膠 五茄皮 歸身 木瓜 天麻 冬朮 獨活 絲瓜絡 牛膝 茯苓 草薢

諸按論頗明透。方亦平穩。

痿痺

先天不足。骨髓空虛。常以後天滋補。栽培脾胃。脾胃得補。溼熱壅滯。形體驟然充壯。而舌本牽強。兩足痿軟。不能行走。上盛下虛。病屬痿躄。經云。溼熱不攘。大筋軟短。小筋弛長。軟短爲拘。弛長爲痿是也。今擬法補先天之精氣。強筋壯骨。以治其下。扶後天之脾胃。連化溼熱。以治其中。然必耐心入服。確守弗懈。庶克獲效。倘朝秦而暮楚。恐難許收功也。

熟地 茯苓 牛膝 桑枝 虎脛骨 川斷 巴戟 黃柏 蒼朮 草薢 竹瀝 薑汁

另洗方 獨活 當歸 紅花 陳酒糟 豬後脚骨 葱白頭 煎湯日洗一次

治按此等證本難奏效。其立方仍從丹溪虎潛法加味。用藥固未嘗不切當也。

伏熱留於肺胃。胃熱則消穀易飢。肺熱則蹙痿難行。熱氣熏於胸中。故內熱不已。延今半載。節屆春分。天氣暴熱。病加不寐。據述先前舌苔黃黑。今則舌心乾紅。其陰更傷。仿仲景意用甘寒法。

生地 知母 茯神 桑仁 麥冬 滑石 夜合花 沙參 百合 泉水煎服

治按金匱百合病篇。有以百合配知母地黃滑石等法。此方即用其意。

再診。經云。肺熱葉焦。則生痿躄。前方清心肺而退熱。已能起牀步履。但夜不安寐。是腎氣不交於心。陰虛陽亢故也。清金麗水。取坎填離爲治。

生地 天冬 麥冬 桑仁 山藥 元參 沙參 洋參 百合 另虎潛丸

治按。經云。肺熱葉焦。則生痿躄。又云。治痿必取陽明。經訓昭然。守此二語。治法不外是矣。

冷雨淋背於先。竭力鼓棹於後。勞碌入房。挾雜於中。病起身熱。欬嗽。至

今四十餘日。痰氣腥臭。飲食能進。臥牀不起。形肉消脫。是肺先受邪。而復傷其陰也。經云。陰虛者陽必湊之。肺熱葉焦。則生痿躄。又云。一損損於肺。皮聚毛落。至骨痿不能起牀者死。合經旨而互參之。分明棘手重證矣。

沙參 紫苑 茯苓 地骨皮 川貝 玉竹 薏仁 另八仙長壽丸

再診。肺爲水源。百脈朝宗於肺。猶衆水朝宗於海也。肺熱葉焦。則津液不能灌輸於經脈。而爲痿躄。臥牀不能行動。形肉消削。欬嗽痰臭。舌紅無苔。脈細而數。是皆津液消耗。燥火內灼之象。考經論治痿。獨取陽明者。以陽明主潤宗筋。胃爲氣血之源耳。今擬生胃津以供於肺。仿西昌喻氏意。

沙參 阿膠 杏仁 甘草 元參 火麻仁 天冬 麥冬 玉竹 茯苓 桑葉 枇杷葉

詒按。議病立方。深合內經痿論之旨。

寒溼之氣。從外而入於內。遍體歷節疼痛。而又胸滿嘔痰。經云。從外之內者治其外。又云。胃爲藏府之長。束筋骨。利機關。皆胃氣之流行。然則外通

經絡。內和胃氣。便是治法之綱領矣。

川附 茯苓 南星 半夏 陳皮 木瓜 竹沥 姜汁

詒按、骨節痛與嘔痰。自是兩途之病。用藥兩面照顧。亦爲合法。案中以胃氣一法。牽合筋節。雖似有理。而實非內經本旨。方中木瓜竹瀝。是筋絡藥。擬再加桂枝、秦朮、獨活、桑枝、牛膝。

內風

病起肝風。繼增痰飲吐酸。所以口目筋掣。而胸膈不利也。近因暑熱上蒸。咽喉碎癢。暫投涼劑。喉患雖減。而胸膈愈覺撐脹。夫肝風之動。由於陰血之虛。痰飲之生。又係胃陽之弱。病涉兩岐。法難並用。今且宣化胃溼以祛痰。稍佐平肝降逆之品。

半夏 茯苓 陳皮 旋覆花 麥冬 杏仁 川貝 鬱金 丹皮 黑山梔 竹茹 蔻仁

詒按、此等兩礙之病。最難用藥。須看其周到製帖處。方中旋鬱貝杏。是兼參胸痺治法。

肝爲風藏而主筋。心爲火藏而主脈。心包絡與三焦。相爲表裏。俱藏相

火。心包主裏。三焦統領一身之絡。此病起於病後。心中嘈熱。胸前跳躍。繼而氣攻背脊。如火之灼。或大或小。或長或短。皆在經絡脊脈之中。良由病後絡脈空虛。相火內風。走竄入絡。非清不足以熄火。非鎮不足以定風。然而絡脈空虛。使非堵截其空隙之處。又恐風火去而復入。故清火熄火填竅三法。必相須爲用也。第此證實屬罕見。醫者意也。以意會之可耳。做仲景法。

羚羊角 寒水石 滑石 紫石英 龍骨 石決明 生石膏 磁石 赤石脂 牡蠣 大黃

甘草 各藥研末。每服一錢。一日三服。用大生地一兩。百合一兩。煎湯調服。

詒按。金匱中風門。有侯氏黑散風引湯二方。其用意以填竅爲主。喻西昌論之詳矣。讀者取喻氏之論觀之。卽識此方之意。

先嘔數日。嘔止而發瘕。厥日三五次。此乃肝逆犯胃。聚液成痰。內風掀動。陽氣偏張。痰亦從之爲患。擬清熄風陽。兼和其胃。

羚羊角 鈎鈎 半夏 陳皮 茯苓 石決明 山梔 菊花 元參 竹茹

再診。瘧厥日數發。口噤不能言。而心中了了。病不在心而在肝。夫心爲君主。肝爲將軍。當氣逆火升風動之際。一如將在外。君命有所不受。君主雖明。安能遽禁其強暴哉。况胃爲心之子。胃家之痰。與肝家之風火互結。黨援相助爲虐。今舌紅碎痛。一派炎炎之勢。漸迫心君。故欲化胃家之痰。必先清泄肝家之風火。而安鎮靈臺。使心君無震撼之虞。尤爲要着。

羚羊角 鮮生地 犀角 茯神 山梔 元參 石決明 天竺黃 鈎鈎 棗仁 炒川連

竹瀝沖汁 金箔

詒按。議論明快。立方熨帖。擬去犀角。加川連。更爲親切。

神志

上年夏季。痰火迷心。神呆語亂。治之而愈。至今復發。脈浮小弱。舌心紅而苔薄白。語言錯亂。哭笑不常。憑脈而論。似屬心風。蓋由風入心經。蘊熱蒸痰所致。用本事獨活湯法。